

左恪靖侯奏稿續編

恪靖奏稿續編卷三十三目錄

攻克楊明堡馬家河灘堡寨迭獲大勝摺

平羅及陝北防務情形片

成祿辦理西路軍務情形片

中南兩路官軍剿賊獲勝摺

請飭戶部酌議河東月協甘餉片

劉明燈楊芳桂募勇來甘摺

攻克楊明堡馬家河灘堡寨迭獲大勝摺

奏爲官軍攻克楊明堡馬家河灘堡寨迭獲大勝擒斬  
回目恭摺馳陳仰祈

聖鑒事竊北路各軍十月初五日以前中路各軍九月  
十八日以前戰狀臣已於十月二十日陳奏十月初五  
日官軍會破漢伯堡後是日金積堡逆回見西面各軍  
掛隊以爲營壘空虛年刻突出步賊千餘直撲長圍經  
提督關定邦總兵趙興隆督隊擊之斃賊數十賊仍敗  
退總計我軍傷亡二十餘名雷正綰等會議漢伯西南

數里張家泉金家堡地方尙存團莊兩所每所守賊不過數百名因會商湘軍收隊回營使賊不疑初七日黎明雷正綰等各帶馬步隊往攻派馬隊扼要以備抄殺賊不虞官軍復至倉卒閉門不及陳天壽郎永淵等麾隊分起衝殺而入賊眾紛紛亂竄馬隊馳出圍之登時將兩莊守賊七八百名斬馘淨盡無一脫者尋獲驟馬數十匹軍械數百件我軍僅傷亡十餘名次日收隊而返此雷正綰黃鼎徐文秀各軍暨王衍慶礮隊會克黃伯堡後初七日接攻張家泉金家堡賊寨大獲全勝

在情形也劉錦棠金運昌雷正綰黃鼎徐文秀會商楊明王洪兩堡對峙金積迤東五十里間緊扼靈州西南要路楊王兩逆雖經劉錦棠於五月二十日誘擒斬之而黨類猶多各寨漏網殘回皆恃此藏身我軍糧運均須隊伍護接殊多牽制之慮商定合力進攻十一日夜四鼓各率馬前進十二日辰刻齊集楊明堡外見該堡磚牆甚高周圍約四里許雷正綰黃鼎紮於東面以備王洪堡之援金運昌徐文秀紮於西南兩面以杜堡賊外竄王衍慶運後膛炸礮及各開花礮列於東北劉錦

棠檣大隊護之既成列各督丁揮鋤修壘堡賊依濠列隊見官軍勢盛未敢攖鋒而後膛礮數響之間卽衝塌礮牆丈許賊衆驚懼縮入堡中時已薄暮各軍令步兵稍休各派哨馬巡邏防賊夜遁十三日辰後王洪堡賊以馬步千餘來援雷正綰黃鼎分兩路齊進鎗礮連施刀矛並舉殺賊二百餘名賊敗退追三里許而還王衍慶一面施放大礮轟擊堡牆劉錦棠金運昌徐文秀各督隊放螺絲礮田雞礮霎時煙焰漫天衝塌附寨礮台一座並寨牆五丈餘名軍奮撲城邊擊援直上堡賊礮

石紛下壯士受傷登而復墜者數百名迄不得上乃棄  
校分伏濠中避之二更後堡賊放火焚巢突圍而出官  
軍伏起斬賊目楊洪開楊十五於濠旁並殲悍賊約二  
三百其衝過涼溝者各軍馬步隊四面遮截刀砍矛刺  
無一漏網堡中老弱婦女概赴火自焚軍械器物悉成  
灰燼惟拾獲焦麥數十石而已十三日各軍將寨牆毀  
平會商乘勝於次日進攻王洪堡十四日率隊進抵王  
洪堡見堡牆堅厚遠過楊明以大礮試攻不能洞入遂  
各收隊而返此十月十一日至十四日劉錦棠雷正綰

等各軍攻克楊明堡大獲勝仗擒斬回回實在情形也  
劉錦棠等原擬小休數日會隊接攻王洪堡即接涼州  
報援賊大股北趨鎮番將出草地東竄料其爲援金積  
而來也飛函前敵各軍預爲之備劉錦棠黃鼎會商馬  
家河灘各堡居大河中洲如援賊速至必將勾引援賊  
踞爲老巢與金積堡賊相爲犄角官軍僅鎖圍壕塹橫  
貫其中難期穩固不如先攻馬家河灘各堡使援賊失  
所憑依乃易得手現據黃鼎報十月二十一日調船渡  
師向馬家河灘進發二十四日各軍將馬家灘小堡攻



克並將就近團莊一律掃除殺賊甚夥尙餘兩大堡巨  
力攻九晝夜尙未破也俟得續報及各軍詳細戰狀再  
報所有官軍攻克楊明堡及馬家河灘各堡並掃除賊  
壘賊莊迭獲大勝擒斬回目現力攻馬家河灘兩堡緣  
由謹據實馳陳伏乞

皇太后

皇上聖鑒訓示施行謹

奏  
同治九年閏十月十九日

平羅及陝北防務情形月

再臣欽奉同治九年十月三十日

上諭據定安奏稱探得回逆二千餘騎竄至米脂磚井堆子梁等處並有續來馬步賊千餘已到花定一帶河東陝回復由通昌通貴河邊竄過馬步賊二三千人分擾平羅等處既有賊蹤劉厚基成定康等軍何以不迎頭截擊平羅地方著左宗棠迅派勁兵進紮以清甯夏後路等因欽此仰見

聖二垂念邊疆無微弗燭臣查九月間疊據延綏鎮總兵劉厚基呈稱據署波羅營參將張澧昇署懷遠縣知

縣史柏會稟稱馬步匪數百由草地竄入懷遠附近林  
莊搶掠又據米懷接壤之馬胡峪麻地溝等處寨民稟  
稱有遊氛時至滋擾劉厚基當卽派總兵李作福向先  
甲帶隊馳往兜擊並檄總兵田玉廣率帶衛營移紮距  
米三十里鎮州堡就近搗剿各有斬獲並據署延榆綏  
道成定康稟稱回逆百餘竄至入懷遠屬之油坊頭當  
派提督成鏡春副將張永貴等帶隊往剿斃回逆五六  
十名又有賊數百竄綏德之石灣當派提督彭緒新帶  
隊馳擊擒斬三十餘名據生擒賊供係於六七月內由

金積各堡陸續竄出逃往草地東西奔走數月復竄內地覓食者又據報回逆二三百名竄至三道河李家灘等處又有五六百名竄至碑井堆子梁等處當派參將成必勝知縣馬輔臣等帶隊分起馳擊各有斬獲均經臣隨時批令確探嚴防相機追剿並檄知州龍錫慶率義勇副四營馳赴綏德一帶剿之旋據稟稱金積逆回被大軍痛剿勢極窮蹙時有零星小股由花定一帶下竄在瓦窰堡西北各州縣地方肆擾或二三百人一起或百數十人一起經該軍於綏德屬之朱家坪安定屬

之新莊鎮等處疊獲小勝斬賊約二三百人亦經臣批  
令嚴加搜剿務期淨絕根株九十兩月前後據署綏德  
州知州楊吉雲署靖邊縣知縣梁以恭署安定縣知縣  
江隨川等稟稱帶隊剿賊時有斬獲所報賊數統計縱  
多不過數百名十月以後花馬池定邊等處未據報賊  
蹤東竄是陝西北山竄擾之賊實外無多因其飄忽靡  
常故各處時有警報然合計各處官軍奚止數倍於賊  
臣已飭成定康嚴飭所部各營旗所轄各地方官飭限  
將餘氛兜剿掃除淨盡以靖邊圉大抵各州縣各軍營

於賊來則以少報多賊去則以多報少錮習牢不可破  
至所稱探丁探役由多捕風捉影之談不足爲據卽如  
春間陝回初次回窺陝西人馬實不過二三千而陝西  
各州縣所報竟多至數倍其明徵也仰蒙

聖慮周詳復派提督劉銘傳督辦陝西軍務劉銘傳本  
淮軍名將韜畧夙優自當遵

旨迅派得力隊伍扼紮陝甘交界處所足紓

聖主西顧之憂微臣與定安更可有恃無恐矣至平羅  
地方距平涼千有餘里大河前橫聲息間隔河東陝回

竄過之說臣至今未有所聞大約卽九月十三夜竄出  
一股查此股經劉錦棠等擊敗後逆首金彥祿受傷而  
斃其騎賊竄過河西關已入河西王家瞳賊巢卽金順  
張曜所報禹彥祿馬長順一起禹彥祿當卽余彥祿之  
訛然已伏誅矣其片一股由漢伯堡南竄經提督周紹  
濂署平慶淫道魏光燾疊次擊敗步賊竄已無多逆首  
丁步月沙自元率騎賊數百與河州逆回及西山伏藏  
之靖遠會甯鹽茶廳各逆回會合南趨人馬約三四千  
之數將闌入張家川提督楊世俊等於隴城蓮花城大

敗之此均金積未合鎖圍以前竄出者迫金積鎖圍既合實無一賊竄出似陝回竄過平羅非指金積堡之陝回也惟臣前接署涼州鎮總兵王仁和呈錄賊供崔三禹得彥白彥虎等三逆由河州竄擾平番涼州後率其醜類直趨鎮番以地勢揣之可由草地犯平羅甯夏以圖解金積重圍而前敵各軍迄無報至或者賊之遲迴不前意在俟河水合凍併力南趨耳臣已飛告金順張曜預爲之備並函知金積諸軍矣至前路官軍之勉可抽撥者惟駐中衛之肅州鎮總兵黃金山三營現准金



原召會已調赴王家驄助剿此外實無可調謹據實夫  
陳伏乞。

聖鑒訓示施行

奏同治九年閏十月十九日

成祿辦理西路軍務情形摺

再臣疊奉

寄諭垂詢烏魯木齊提督成祿近日所辦情形據實具  
奏臣維成祿駐軍高臺與臣相距甚遠向例烏魯木齊  
提督雖歸總督節制而成祿署銜

欽差總統西路軍務事無鉅細均由其陳奏請

旨卽應歸地方辦理事件亦不使督臣與聞外省奏事

除密件外拜發後卽將摺稿咨行各處俾彼此共知成  
祿則必俟奉到

批回復始鈔稿咨送其拜發摺件每咨臣代發馳驛傳

牌而所奏何事臣不知也故迭奉

諭旨查詢臣無憑陳覆成祿所部聞多四川陝西勇丁  
秦俗強悍古已云然自逆回構亂以來好勇尚氣之士  
半就凋零兼之鴉片流毒漸染太深陝西與山西甘肅

同一病疾此次軍與求曉乘於行列中百難得一更有  
何精壯勇丁堪以入募西蜀當嘉慶年間名將輩出自  
項啗嚙變成哥老會匪軍營傳染殆遍雖勇辯之士尙  
自不乏然欲簡練用之非得好將領鈴束難期實效卽  
如臣初入關時黃鼎以蜀人帶蜀勇正苦哥匪充斥軍  
令難行具稟臣爲捕斬巨目數名乃始用命雷正綰此  
次復規金積商請募蜀勇數營臣止勿募而以新募豫  
軍隸之可見蜀勇亦非足恃也成祿堅求募川陝勇丁  
數千若不精選營哨之才恐又蹈從前募川勇半途潰

散故轍縱令安靜到營亦不能期其出力可想而知成  
祿自稱該軍餉項積欠如許之多而復議募川陝勇丁  
十數營新餉又將安出石成器部勇索餉譁潰豈非前  
鑒此論川陝勇之不可多募也就成祿一軍餉事言之  
所指各省協款向歸該提督自行委員催取其多寡之  
數臣未與聞然未必有應手巨欸其所恃以爲糧者關  
外安敦玉三州縣京斗三萬石關內張掖縣運省倉糧  
三千五百石撫彝通判運省倉糧二千石高台縣運省  
倉糧二千石以該軍勇數計之除營長礮夫外勇丁二

千九百餘除軍糧外贏糧甚多堪以變充軍餉况張掖  
縣撫彝通判高白縣三處運省倉糧成祿均索取折價  
則又無須變價也成祿於徵糧外復照糧攤捐致張掖  
撫彝高白三廳縣民人聚眾滋事幾釀異變經署甘州  
府知府祁之銓署撫彝廳通判王佳植彈壓勸諭乃止  
而民間盼其出關莫可永不辦捐臣得甘州府稟報後  
即飭藩司崇保臬司崇福委新授西甯府知府鄧承偉  
前往查辦尙未接鄧承偉稟覆大抵成祿本無出關之  
志從前因

詔旨嚴切不敢有違又思藉出關爲名可奪取運省金糧以充軍餉迫因派捐苛急民情弗順勢難久駐高台成祿亦不得不爲出關之行已據高台縣稟八月二十四二十六等日該軍前隊業已拔營西上餘暫留高台未知接奉暫緩前進

諭旨後進止如何耳實則率二千餘兵勇出關不但旁觀者不以爲然卽成祿亦固心知其不可恃無如始迫於

朝命不能不爲此請繼因復派捐糧幾至激變又不能

不爲此行以現在情形言之該軍前隊如已出關似可  
併交景廉統領其留高台餘隊或仍由成祿帶赴肅州  
一帶擇地駐紮與署甘肅提督楊占鰲和衷共濟辦理  
屯田尙期穩妥楊占鰲成祿雖彼此各有意見而其圖  
藉撫局敷衍目前則如出一轍不敢齟齬也至金塔寺  
漢回構衅殺害署都司馬萬福一案據前署肅州知州  
李元嘉稟馬萬福本投誠回弁自署都司以來貪恣險  
戾無惡不作不但漢民恨之回亦恨之此次河西紅漢  
民聚衆圍署將其鎗斃良回亦爲稱快臣現飭西甯府

知府鄧承偉於委赴甘州之便就近前往察辦當易了  
結緣肅州一帶良回尙多易於開導此時若遽派隊前  
往翻起回民猜疑或致滋生事端也所有一切辦理情  
形謹據實覆陳伏乞

聖鑒訓示施行謹

奏 同治九年閏十月十九日

軍機大臣 字寄同治九年閏十月二十七日奉

上諭左宗棠奏官軍攻克賊寨情形暨覆陳賊竄米脂  
平羅探報未確各摺片甘省中北兩路官軍自攻克漢



伯堡後雷正綰等接攻張家泉金家堡賊寨獲勝劉錦棠等復合力攻破楊明堡陣斬賊目楊洪開等多名正擬進攻王洪堡適涼州大股賊匪繞竄圖援金積恐馬家河灘各堡勾引援賊遂先將該處各小堡及附近團莊一律掃除尙有兩大堡未下仍當趕緊攻拔俾援賊失所憑依剿辦方易得手金積現已合圍各處匪股乘隙來援總當加意防範著左宗棠嚴飭前敵諸軍穩紮力攻以期掃穴擒渠勿稍鬆懈並分檄各路將士扼要堵擊毋任援賊竄近牽我兵力前竄米脂平羅股匪據

左宗棠覆奏探報未確不足爲據金積合圍竄無一賊  
竄出十月以後花定等處未據報賊蹤東竄陝西北山  
竄賊竄亦無多等語近據蔣志章奏報草地逆回竄至  
綏德分擾清澗安定等處是竄陝之賊現尙陸續踵至  
著卽飭令成定康等隨時剿力遏狂氛平羅地方現  
雖無兵可撥如遇有緊要軍情該大臣仍當妥籌兼顧  
竄入河西之禹彥祿等一起左宗棠奏稱禹彥祿卽係  
余彥祿之訛前已傷斃何以金順前後奏報王瞳軍情  
尙有余彥祿在內著該大臣查明具奏左宗棠另片奏

遵籌成祿出關事宜等語前因成祿已援隊西行當諭  
該提督督軍駐紮關外不得輕率前進仍著成祿懍遵  
本月十一日諭旨擇要扼紮就近兼顧肅州該提督營  
餉積欠甚多且川陝各勇不能得力成祿著毋庸另募  
勇丁卽就現有兵力力加整飭與提督楊占鰲和衷其  
濟遇賊卽擊並辦理屯田事宜該軍口糧已准提用張  
掖等處運省倉糧成祿當知體恤民艱不准再有勒索  
苛派等情致滋紛擾將此由六百里各諭令知之欽此

中南兩路官軍勦賊獲勝摺

奏爲中南兩路官軍兇剿金積回敗殘餘黨及河州另股援賊疊獲勝仗提督楊世俊一軍接仗大捷斬擒回目多名恭摺會陳仰祈

聖鑒事竊逆酋余彥祿餘黨從漢伯堡南竄一股馬步及逆眷其二千餘擾及半角城李旺堡一帶經提督周紹濂署平慶涇道魏光燾已革山西臬司陳湜疊戰獲勝步賊斬馘殆盡騎賊向會甯靜甯一帶亂竄臣前飭提督楊世俊道員李耀南預於安定截之河州逆回馬

阿渾劉阿渾馬二張狼嘴馬三師務五大頭目一股經楊世俊一軍於赤沙峴石川山地方追剿獲勝各緣由已於十月二十日陳奏旋據各軍先後稟稱探得河州劉阿渾馬阿渾歸巢挑選悍黨并糾合前次石川山擊賄之賊馬步約二千餘由三家集渡洮出柳林溝一由大寨子渡渭而南一由站灘漫窪出好麥川而北十月十五日楊世俊李耀南等得報立率所部并督同安定防勇營官白高年帶隊出曉口截之該營馳抵賊處賊正偷過我軍突出截賊兩段未過者向原路退敗已過

者向曉口北原而奔官軍分起追擊各五六十里擒斬  
百餘名五更收隊仍還曉口勇丁偵探該逆潛伏山巖  
數日莫知其蹤地僻人稀無從問訊楊世俊等遂返馬  
營監以待之二十日該逆偷竄靜甯西南九十里之蔡  
家堡地方與余彥祿敗黨逆目丁步月沙自元等合股  
并沿途勾結靖遠靜甯會甯等處零匪共三四千名駐  
靜甯州總兵蕭賞謙聞警飛率所部平江左右兩營馳  
往剿之鏖戰兩日夜殺賊百餘名斃一紅衣賊日生擒  
十餘名卒以賊眾兵單致挫亡傷士卒二百餘名蕭賞

謙收隊還靜甯臣宗某得報立飭總兵劉明燈殷華廷馬步兩營及臣宗某親兵四哨由平原馳出靜甯並調陳湜駐固原之果勇三營七成隊及馬隊兩起繼進劉明燈等行抵靜甯該逆大股已望風而遁臣復飭陳湜所部暫駐靜甯飭劉明燈等率隊由靜甯前進二十六日賊竄通渭屬之董義堡李耀南率所部會虎威左營馬隊宗岳軍信義兩營步隊并會靜甯防勇馳出擊之斬賊數百賊向泰安屬之蓮花城南趨楊世俊率所部馬步各營由通渭縣出任當川二十八日楊世俊李耀

南等躡至蓮花城訓知賊衆麕集於邵家堡一帶距蓮  
花城僅二三十里二十九日五鼓出隊剿之楊世俊派  
總理全軍營務教諭陳臺督都司嚴金龍千總曾開貴  
率紅旂馬隊抄邵家堡之右總兵周顯明率輔營馬隊  
繼之派總兵裴思朝副將謝復雲參將馬有才率青白  
兩旂及虎威左營馬隊抄邵家堡之左楊世俊率步隊  
各營及李耀南所部輔營直擣邵家堡之中參將廖嵩  
率宗岳軍信營知縣曾貴和率宗岳軍義營及周開錫  
親兵策應於後該逆偵知官軍追至列隊抗拒另伏馬



步賊數百於李家川常家岔冀圖抄截楊世俊等登高  
瞥見揮馬隊從邵家堡張兩翼將伏賊先行擊潰率步  
軍直擣其中血戰十餘合賊猶死拒不退哨官副將賸  
昌品中鎗陣亡朱克仁魯開貴身受鎗傷適馬隊從左  
右馳抄出賊後合勢圍殺賊衆駭奔馬步各隊乘勝追  
之沿途斬賊七八百名屍骸枕藉川水爲之不流賊之  
滾崖墜澗自相踐踏而死者復不下四五百人奪獲騾  
馬軍械稱是餘賊紛竄馬步官軍窮搜山谷斬賊又二  
百有奇是晚收隊隴城據生賊供此股山金積竄出

經官軍擊敗餘黨與河州援賊合股商議同竄張家川頭目丁步月領員沙自元丁以全馮奇已於陣前伏誅馬阿渾劉阿渾及僞元帥伍老三沙成均已潛逃等語訖畢斬之閏十月初一日李耀南收隊回馬營監楊世俊等率隊出秦安追剿探得賊竄秦州屬西北六十里鹽河城初二日追及鹽河城賊已竄西和屬之崔家磨孫寺灘鐵鑪坡一帶楊世俊乘夜襲之二更後銜枚疾走直薄賊壘派總兵裴思朝率白旗馬隊出其左參將馬有才率青旗馬隊出其右副將謝復雲率虎威左營

出其右路之右楊世俊率紅旗黃旗馬隊直擣其中教諭陳台游擊劉三元參將周道欽率步隊各營繼之初三日黎明四路馬步齊集該逆尙酣眠未覺官軍驟至先將崔家磨之賊圍殺淨盡而孫寺灘鐵鑪坡一帶村莊之賊聞信率黨蜂擁來援官軍隊伍如牆而進鎗砲對轟斃悍賊數十哨官守備胡連陞中鎗陣亡勇丁傷亡十餘名楊世俊督隊力戰賊勢仍卻官軍乘勝追之斃賊約四五百名奪獲騾馬軍械無數生擒偽領員馬開忠一名訊畢斬之餘賊向西和禮縣一帶四散狂奔

復經漢中鎮總兵李輝武所部律勇前後兩營總兵邵永齡副將王光發迎剿於蔡家河地方斃賊數十餘賊數百名遁入南山一帶藏匿現飭各營搜剿務期盡絕根株臣等查此次河逆二千餘衆東竄秦安勢頗兇悍經楊世倭率師截擊一捷於好麥川峽口地方嗣與逆目丁步月等合股并勾結零匪勢將逞趨張家川楊世倭等率師再捷於邵家堡三捷於鐵鑪坡先後追逐十餘晝夜斬首二千有奇寔屬異常奮勉該軍最爲出力文武各員應仰懇

天恩俯准獎敘以示鼓勵花翎副將羅榮卿請以總兵  
留於陝甘儘先補用花翎游擊劉三元花翎都司擬保  
游擊蔣柏高藍翎都司擬保花翎游擊譚桂林均請  
賞給勇號花翎游擊朱福隆請以參將儘先補用並加  
副將銜游擊銜都司董金成請以游擊儘先補用並加  
參將銜花翎運同銜候選教諭擬保留陝儘先補用知  
縣陳古請免補教諭知縣以同知直隸州知州仍留陝  
西儘先補用藍翎千總擬保花翎守備裴煥新守備銜  
千總擬保花翎守備何朝聘儘先千總擬保藍翎守備

呂長樂均請以都司儘先補用呂長樂並請

賞換花翎拔補把總擬保藍翎千總楊鳳山請以守備儘先補用並請

賞換花翎藍翎外委桑必成請以千總儘先補用並加守備銜軍功擬保藍翎把總管開貴朱克仁李嘉圃王萬榮馬泰山潘永榮劉春發均請以守備儘先補用並請

賞換花翎所有陣亡之副將蔣昌品守備胡連陞血戰捐軀應懇

天恩飭部議卹以慰忠魂再蔣柏高譚桂林陳台裴煥  
新何朝聘呂長樂楊鳳山魯開貴朱克仁李春國王萬  
榮馬泰山潘永榮劉春發等十四員名均係攻克董志  
原出力陝西肅清案內擬保未奏之員應懇

天恩飭部將擬保官階一併註冊合併聲明謹合詞恭  
摺馳陳伏乞

皇太后

皇上聖鑒訓示施行謹

奏  
同治九年閏十月十九日

同治九年閏十月二十七日內閣奉

上諭左宗棠穆圖善奏中南兩路官軍剿賊獲勝請將出力陣亡各員獎卹一摺河州回逆糾合馬步賊匪分竄好麥川峽口等處十月十五日提督楊世俊督率官軍分起追擊擒斬賊匪多名二十日該逆復與金積堡敗黨逆目丁步月沙自元等合股勾結靖遠等處零匪偷竄靜甯圖趨張家川左宗棠飭總兵劉明燈馳往截剿賊眾麇集邵家堡一帶官軍分路迎擊殺賊七八百名陣斬逆目丁步月沙自元等多名閏十月初二日追



賊至鐵壚坡各處復斃賊匪四五百名生擒僞領員馬  
開忠正法餘賊四散狂奔遁入南山一帶藏匿仍著左  
宗棠等飭令各軍是力搜剿務期盡絕根株所有此次  
出力之副將羅榮卿著以總兵留於陝甘儘先補用游  
擊劉三元著賞給驍勇巴圖魯名號擬保游擊蔣柏高  
著賞給銳勇巴圖魯名號譚桂林著賞給鼓勇巴圖魯  
名號游擊朱福隆著以參將儘先補用並賞加副將銜  
都司董金成著以游擊儘先補用並賞加參將銜教諭  
擬保知縣陳台著免補教諭知縣以同知直隸州知州

留於陝西儘先補用擬保守備裝炊新何朝聘呂長樂  
均著以都司儘先補用呂長樂並賞換花翎擬保千總  
楊鳳山著以守備儘先補用並賞換花翎外委桑必成  
著以千總儘先補用並賞加守備銜擬保把總魯開貴  
朱克仁李嘉圖王萬榮馬泰山潘永榮劉春發著以守  
備儘先補用並賞換花翎以示鼓勵陣亡之副將蔣昌品  
守備胡連陞均著交部照例議卹其蔣柏高等十四員  
名均著交部照擬保官階一並註冊欽此

請飭戶部酌議河東月協甘餉片

再臣於同治九年八月據辦理西征糧臺侍講學士袁  
保恆咨呈准戶部咨開同治九年七月二十四日奉

上諭李鶴年奏豫軍西征糧餉緊要請將河東前撥協  
餉照舊撥解一摺據稱豫軍西征餉需甚鉅前撥河東  
鹽課月協銀二萬兩經袁保恆奏准停解改作協甘之  
用張曜宋慶兩軍餉銀專由河南供支惟豫省常年所  
入卽以全數供支甘軍豫軍尙屬不敷況京餉河工及  
本省應需之用急款如林寔有捉襟見肘之勢甘省有  
十餘省協餉自河東勻撥之二萬兩尙屬無足重輕請

仍飭撥解豫軍等語所奏自係寔在情形著何璟卽飭河東鹽道將前協豫軍西征餉銀二萬兩照舊按月撥解藉資周轉不得稍有遲悞欽此欽遵恭錄轉咨到臣謹查河東鹽課自雍正二年奉

旨全數撥充甘餉百數十年未之有改上年豫軍入晉前署山西撫臣鄭敦謹奏將河東鹽課每月撥濟豫省張曜宋慶兩軍二萬兩意謂豫軍有功於晉宜爲其謀餉耳寔則甘餉百數十年前應得之款忽於時危餉竭之時停其協濟本非正辦袁保恆籍隸河南因河南奉

撥甘餉屢催不應不得已奏將河東常年甘餉內撥濟豫軍之餉仍歸甘軍是以甘肅自有之餉還之甘軍非與河南爭餉也明矣河南不惟不解甘餉復將甘肅舊有之餉奪歸豫軍豈現時河南餉更窘迫於甘肅乎無論豫省其事已息餉事宜資周轉卽令豫軍乏餉亦應另請籌撥乃欲損甘軍之餉以益豫軍是猶奪餓夫之食爲重餐也且其原奏稱豫省籌解臣營暨穆圖營豫師兩營共月餉三萬五千兩似河南實已解過甘肅軍餉八十萬兩而臣遍查河南協甘餉卷除撥臣營與豫

師軍餉各五千兩外兩年以來該省並無續解分釐之  
案不知何指豈未解之懸款亦可列入河南銷冊耶至  
原奏所稱協解甘餉共有十餘省以河東鹽課每月二  
萬兩在甘肅視之無足重輕不知河東歲課照舊全協  
甘肅僅祇五十二萬兩若除去豫軍二十四萬兩尙存  
幾何協解甘餉雖有十餘省其實在解到者究有幾何  
倘各省盡如河南之不解甘餉而又奪取甘餉是新協  
之餉無望而舊有之餉亦無望也同一  
國帑同一用兵同一西征本無畛域可分但令稍可支

持何敢上瀆

聖聽無如甘肅雖有十餘省協餉八百餘萬兩之名實則解不過半惟河東相距較近又係先課後鹽現成之款非尋常無著可比乃奏奉

諭旨飭令於八月內提解之十八萬兩迄今尙祇報解四萬兩情形可想臣自度隴後因餉項艱窘不得已與

各營約除月給鹽菜米糧銀兩外准於三節籌給一月足餉以固軍心較之豫軍之充裕本已苦樂不均今則時已十月而中秋應發一月滿餉尙無從取給轉瞬年

節又至四顧茫然不知所措可否請

旨飭下戶部秉公酌議或另爲豫軍籌撥而以河東甘  
餉仍歸甘軍抑或竟以甘餉改昇豫軍而爲甘軍另籌  
有著之款統候部臣酌議以便遵照謹附片據實懇陳  
伏乞

聖鑒訓示施行謹

奏同治九年閏十月十九日

軍機大臣奉

旨戶部議奏欽此



劉明燈楊芳桂募勇來甘片

再臣於同治九年四月初六日欽奉三月二十八日  
上諭英桂卡寶第奏擬派員募勇馳赴陝甘助剿一摺  
英桂等因聞甘省回匪分股繞竄陝境軍情喫緊擬派  
總兵劉明燈楊芳桂馳赴鄂省各募楚勇兩營前往陝  
西聽候左宗棠調遣以資攻剿所籌因爲力顧大局起  
見惟迭據左宗棠奏稱西征軍餉頗形支絀若遽令劉  
明燈等募勇入陝恐有兵多餉缺之累劉明燈等向來  
帶兵旣尙得力著英桂等卽飭令馳赴甘肅軍營聽候

左宗棠差遣其應否派令添募勇丁或酌撥隊伍令其  
統帶剿賊之處均著左宗棠酌度辦理等因欽此竊惟  
臣由閩浙移督陝甘時以海疆緊要於所屬文武未敢  
多調以重地方各員并有憐臣衰老力請隨同西征者  
亦必婉詞謝卻此英桂所稔知者也前接英桂臧牘以  
臣軍連失大將而閩疆要如籌銀三萬兩交前署福建  
臺灣鎮總兵劉明燈前者浙江衢州鎮總兵楊芳桂帶  
赴湖北各募楚勇兩營來甘助剿臣心感之因軍餉奇  
絀增雇官難又湖南勇丁多在本籍其流寓鄂渚待募

者久染軍營惡習不宜令屢雜伍籍劉明燈稟在澧州  
於本籍精選一營帶以俱來旋據劉明燈稟在澧州永  
定本籍募勇丁一營楊芳桂在甯鄉本籍募勇丁一營  
外加三哨於九月二十五日行抵平涼臣親加點驗人  
數有多留以候缺均能恪守營規已飭劉明燈率所部  
赴靜甯會同各軍進剿楊芳桂暫駐安國鎮一帶守隘  
護運理合附片覆陳伏乞

聖鑒謹

奏

同治九年閏十月十九日

恪靖奏稿續編卷三十四目錄

中南兩路官軍剿賊連勝摺

圍攻馬家灘賊堡安妥拔出陝回片

請將陝西補用道李耀南革職片

平燬馬家灘堡王洪堡陝回就撫馬化隆就擒摺

密陳馬化隆暫緩伏誅情形片

范銘部衆潰變辦理情形摺

丁賢發被回目馬添發等刺斃情形片

魏紹珍等倡首鬧餉立予正法片

痛勦河州竄賊陣斬巨逆片

中南兩路官軍剿賊連勝摺

奏爲中南兩路官軍連獲勝捷金積竄出陝回及河州  
援賊均已一律盪平恭摺馳陳仰祈

聖鑒事竊金積陝回餘黨會合河州援賊竄擾南路前  
經提督楊世俊等軍接仗大捷已於閏十月十九日馳  
陳在案先是賊由三家集渡洮河出柳林溝總統南路  
軍務周開錫得報檄南路各營分起擊之宗岳仁禮誠  
智等營青白等旂馬隊及寶勝營土勇先後於小蕉山  
集家川蒿地子馬跑川萊花溝栗子坪等處遇賊接仗

斬賊或數十名一二百名不等逆賊翻山奔竄爲提督楊世倭等所敗餘賊遁入南山邀脅各處回衆人數漸增臣宗棠飭總兵劉明燈蕭賓謙殷華廷等督隊冒雪搜山周開錫復派虎威中右親左馬步等營會剿閏十月中旬賊竄徽兩一帶駐徽縣兩當之提督胡國珍總兵蕭德林奮擊斃賊數百敗賊擾及石家灘等處漢中鎮李輝武調知預伏所部於陝甘交界之鐵鋸梁山待之十七日賊越嶺而東南至半山李輝武麾軍從溝旁突出將賊截爲兩段賊棄騾馬翻山四竄李輝武縱兵

追擊斬馘遂多生擒賊目趙福玉蘇咸喜奪獲騾馬六百餘匹官軍陣亡六名受傷三十名而已其後至之賊見前賊旣敗遂改道北竄方賊之渡渭而東南也劉明燈與殷華廷蕭萬謙及虎威營親左營營官總兵田連考副將謝復雲參將胡達萼等商議賊圖鼠竄不得必仍北趨清水縣之張家川以是處爲撫回李得昌所居陝甘回民多僑寄其間足資容納也乃決計出清水趨長溝河度嶺而東先據隴境之若絲灣石莊子兩處扼險待之比十八日馳抵若絲灣石莊子賊已竄至蘇



家河矣距石射堡三十里是夜三更劉明燈殷華廷蕭  
賞謙等由石莊子前進田連考謝復雲胡達萼等及臣  
宗棠親兵四哨出隊由若絲灣前進十九日黎明會隊  
蘇家河賊方出谷南竄驟覩軍威驚懼失措劉明燈等  
奮威衝殺斬賊三百餘名奪獲騾馬四百餘匹餘賊翻  
山越境而逃官軍連夜躡蹤追擊復殺賊百餘名二十  
日收隊回秦安餘賊東西紛竄見兵卽逃復經總兵邵  
永齡副將王光發兩營由隴州西進截賊唐家河三角  
城等處斬馘二十餘名生擒六名陳湜所部三營及熊

隆名馬隊由靜甯南進截賊喬家寨合水川等處斬馘五十餘名生擒四名總兵楊芳桂截賊安國鎮斬馘十餘名生擒二十六名其零星竄逸者臣等已嚴飭各營分途尋蹤掩捕并飭張家川已撫回民李得昌分別收輯矣查金積陝回自九月中旬竄出約馬步二千餘人河回兩次來援之賊不下二三千合會甯靜甯各處零匪屬集狼轟先圖闖越陝疆繼圖混入張家川少紆喘息經中南兩路官軍及陝邊官軍節節截剿地網四張殲除淨盡各軍冒雪衝寒左持右角寔屬奮勉出力可

否由臣宗棠擇尤彙奏保獎以示鼓勵之處出自

天恩謹合詞馳陳伏乞

皇太后

皇上聖鑒謹

奏

圍攻馬家河灘城堡安置拔出陝回片

再北路中路諸軍於金積堡鎖圍既合之後各將領抽  
派隊伍會攻隔河中洲之馬家河灘各堡比將各堡寨  
圍莊一律攻拔惟餘一大堡一小堡逐日猛撲迄今月

餘尙未攻克緣地居河洲堡牆數重均係沙土築成不似磚石堅土易於著手地雷炸炮已轟坍堡牆數處而賊處必死之地心力易齊隨坍隨補依然如故現據劉錦棠黃鼎等稟堡中悍賊死傷山積所餘悍賊不過數百名諸軍晝夜環攻計可迅圖蕝事而將領受傷者已數十員名壯士之肉薄仰攻者亡傷已千數百計矣所幸將士一心誓必滅此朝食而援賊迄無消息似未敢東嚮以抗顏行攻拔之期或當不遠至金積堡賊自鎖圍旣合之後堡外能戰者不過千餘老幼婦女五六千

皆飢餓垂斃

臣

遣撫定陝回劉秉信赴劉錦棠黃鼎營

壕引之出圍拔出二百餘名嗣是投出者絡繹不絕其

壯丁甚有涕泣號救不得引領以待就戮者十三營回

目馬壽清卽曾洱馬阿洪率其眷口投營臣已飭安插

平涼矣前甯夏縣知縣彭慶章於同治四年陷入賊中

爲首逆馬化澂謀主現亦投入金運昌營臣飭提解平

涼訊辦據生擒賊供堡內甘回守堡打仗者馬化澂每

日每名給錢二千五百文僅能易麵一斤人多餓斃似

賊中糧亦垂罄矣一俟馬家灘攻克諸軍當會攻王洪

堡以圖金積所有各戰詳細情形容俟續報謹附片具

陳伏乞

聖鑒謹

奏

同治九年十一月十一日

軍機大臣 字奇同治九年十一月十九日奉

上諭左宗棠等奏官軍剿賊獲勝并金積堡沒日軍情  
各摺片覽奏均悉金積堡陝回餘黨會合河州援賊由  
三家集渡洮河竄擾柳林溝等處經官軍分投進攻斬  
馘甚多其渡渭而南之賊復經官兵躡蹤截擊殲除殆

盡剿辦尙爲得手有勦出力員并准由左宗棠擇尤彙  
案保奏以示鼓勵其霄星竄逸之匪著左宗棠督飭各  
營分途搜捕毋令死灰復燃蔣志章亦當會同劉銘傳  
檄飭各軍嚴密堵禦毋令闖入陝疆左宗棠一面飭令  
張家川已撫回民李得昌分別收輯以孤賊勢金積堡  
合圍以後逆情已日形窮蹙著左宗棠嚴飭劉錦棠黃  
鼎等迅將馬家灘克期攻拔以便各軍節節掃蕩會攻  
王洪堡以圖金積老巢爲堵穴擒渠之計至投出回匪  
絡繹不絕回目馬肅清亦率眷投營左宗棠已飭安插

平涼惟該回衆是否真心反正尙未可知左宗棠務當隨時察看加意防維毋爲該回衆所紿前甯夏縣知縣彭慶章甘心從逆爲馬化澂謀主現仍投入金運昌營著左宗棠卽飭將彭慶章解赴平涼嚴行訊辦毋稍寬縱將此由六百里各諭令知之欽此

請將陝西補用道李耀南革職片

再二品頂帶按察使銜陝西補用道李耀南由臣軍積功得保今職前年臣由直東還陝李耀南自浙航海赴營投效臣令管帶輔營防剿安定會甯一帶初時尙



知奮勉近則漸形驕恣不遵調度以會甯安定購運軍糧維艱輒就馬營監駐營置會甯安定不顧致兩縣零騎縱橫居民屢遭劫殺遇有別軍剿賊過境則隨同打仗藉以居功至附近地方有警雖賊數無多該營亦時存觀望不肯獨進秦州解蘭垣軍餉陸續至馬營監積成巨款臣飭該營護運遷延月餘始敢就道其畏葸不顧大局類此臣以軍餉苦絀令各統領營官於每月薪水辦公銀兩照勇餉勻支勇餉截至何日則薪水辦公亦截至何日不許透支以失軍心而李耀南性喜揮霍

兼廣交結計一年有餘匯寄之銀已數千兩皆確鑿有據其欺詐不恤時艱類此臣不敢稍涉徇隱謹據建糾參應請

旨將二品頂戴按察使銜陝西補用道李耀南革職永不敘用並不准投效軍營以昭儆戒是否有當伏乞

聖鑒訓示施行謹

奏  
同治九年十一月十一日

同治九年十一月十九日內閣奉

上諭左宗棠奏請將不遵調度之道員革職等語二品

五  
頂戴按察使銜陝西補用道李耀南防剿會甯安定時  
輒以糧運維艱就馬營監駐營置兩縣於不顧以致居  
民屢遭劫殺左宗棠飭令該員護運軍餉又復任意遷  
延并性喜揮霍廣結交遊實屬任性妄爲不知檢束李  
耀南著卽革職永不敘用并不准投效軍營以昭儆戒  
該部知道欽此

平燬馬家灘堡王洪堡陝回就撫馬化澂就擒摺  
奏爲馬家灘堡王洪堡次第平燬陝回就撫首逆馬化  
澂就擒現在籌辦情形恭摺馳陳仰祈

聖鑒事竊北路中路諸軍會攻馬家河灘所餘兩堡晝  
夜更番猛撲及撫定回目軍功劉秉信救出難回數百  
名口回目馬壽清挈督投出各情形已於十一月十一  
日馳報馬家河灘之賊經各軍更番痛勦死傷山積劉  
錦棠等復增築礮臺逼之賊於堡內穴地而出夜襲礮  
臺又經提督蕭章開何作霖徐占彪等殲之臺下堡賊

窘急乞降然令其繳械毀堡則仍疑懼不決閏十月二十  
十二日據劉秉信引出之賊供稱陝回飢困日甚羣思  
冒險竄遁見官軍方聚攻馬家河灘金積東北壕牆之  
守必虛圖於夜間猛撲突圍而出劉錦棠黃鼎雷正綰  
金運昌徐文秀等會商初更抽隊潛伏牆內靜以待之  
夜半月上賊二三千由堡根潛趨東北直抵壕邊見牆  
上更鼓稀疏人語靜悄乃越壕攀堞而上官軍鎗礮齊  
施開壁縱擊斃賊無數賊敗歸巢黃鼎雷正綰徐文秀  
等復截之半途計共斬賊近千名生擒二十餘名訊稱

陝回馬大司已陣斃馬化澐之死黨譚生成受鎗子傷  
甚重劉錦棠旋於金積東門外搶築兩壘併築礮臺俯  
瞰賊巢黃鼎復撥抽隊逼築西門賊益恟懼不知所爲  
嗣是堡內堡外老弱婦女日詣劉秉信所駐壕外號呼  
救命慘不忍聞詢知賊中惟馬化澐親屬及其死黨尙  
有存糧陝回之能戰及堡賊之守堞者日給糧一斤近  
亦漸減此外皆以黍藎草根雜牛皮死屍爲食首逆陳  
林情急因劉秉信求降於官軍劉錦棠黃鼎雷正綰徐  
文秀姑漫應之十一月初十日陳林聞興春于兆林馬

振江金明堂馬化鳳黑清全等挈老弱婦女八千餘赴  
黃鼎雷正綰營外長壕跪求收撫自言易子析骸逃生  
無處之慘聲淚俱下且言官軍如准收撫餘眾該頭目  
等死亦心甘劉錦棠黃鼎雷正綰徐文秀等數其罪孽  
令悉數呈繳馬械聽候轉稟撥其男丁分起安甯各營  
婦女則安甯外壕之外給以賑糧聽候安插馬化鳳見  
官軍已撫陳林等遂求陳林轉稟願撥馬家河灘糧三  
百名給壕外婦女求撤馬家河灘之圍劉錦棠等許之  
責令速繳馬械卽日自平堡牆聽令比因收繳馬械入

堡檢視見堡內之馬已悉數羶斃殘賊穴地而居以死  
馬雜衣被毡絮器物填塞轟坍各口遮抵鎗礮堡賊四  
五千存者不過千餘精壯者不過數百然皆身無完膚  
也仍令暫居故處十五日馬化潞復求陳林轉稟請平  
王洪堡堡曰王洪前已伏誅回民馬三仲王朋等自毀  
其堡以堡眾降劉錦棠收其馬械亦令仍居故處馬化  
潞料就撫之必可無他也十六日親身赴劉錦棠營壕  
外伏地叩頭合隨行一人踰橋遞呈具言罪民所犯情  
罪自知不赦叩懇施恩如蒙念族眾無辜者多轉稟曲



宥僅以罪民一人抵罪死無所憾劉錦棠令開壁納之一面馳告雷正綰黃鼎金運昌徐文秀王衍慶等會商所以處之者諸將士怒其久抗顏行羣思縛而磔之以報私仇而雷公憤雷正綰黃鼎懋諭再三定議飛稟請示劉錦棠卽真馬化澂於幕旁派弁監護之一面飭馬化澂速繳鎗礮奇械丁壯不許持寸鐵自平堡寨牆垣地上不許留坯土開造戶口名冊候示遵辦二十一日臣接來牘再四籌維西陲之不靖於今九年關隴諸回率視金積爲嚮背其狡謀兇焰實異尋常馬化澂非窮

蹙至極必不輕冒鋒鏑以求生今既隻身來投金非誘  
致則操縱在我因而誅之不可謂武且馬化澹乞撫之  
詞顯欲一身塞咎市德諸回爲要結人心之計因而誅  
之亦且墮其術中比卽於來牘批示令馬化澹本堡馬  
械繳盡牆垣毀盡後接辦河西王家墮通昌通貴各堡  
撫局再辦河州西甯撫局如皆盡繳馬械盡平堡寨撫  
局有成再當具奏請

旨陝回陳林就撫後前竄河西余彥祿一股聞風而至  
盡繳馬械乞撫劉錦棠等點驗人數約有千餘亦令造

冊聽候安插余彥祿前此帶傷未死驗視兩頰洞穿舌  
爛音澀亦垂斃矣統計陝回男婦大小共一萬一千有  
奇老弱婦女近九千名除馬長順一股數十名因其眷  
口爲宋軍俘獲現尙留昌貴二堡尋覓眷口外餘均分  
三起解赴平涼聽候安插自此甯靈一帶無陝回蹤跡  
矣臣前於平涼縣大岔溝那家溝北原安插陝回戶口  
數千給以賑種其餘荒絕地畝雖多然不成片段又平  
涼係入甘肅大道居關隴之中北達甯夏南通秦鳳東  
連涇原邠甯西趨金城湟中形勢最要不宜多居種人

勘得平涼華亭交界之化平川寬六七里長三十餘里  
窑洞三百餘兼有破屋土沃水甘人跡斷絕可安插萬  
餘丁口近挑已撫回民稍壯者百名裹糧前往稍加修  
葺俟各起回民解到卽量地居之給以賑糧種子牛騾  
農器督其耕墾所有建置經界規制禁令容臣就近察  
辦隨時陳奏其金積堡繳到馬械尙未據劉錦棠等冊  
報前來堡樓垛口均已平毀惟聞堡身堅厚異常兼值  
冰凝土凍程功未能迅速其散遣安插遷徙善後各事  
宜雖皆預定規模而先後緩急之間審幾致決未可稍

涉疏畧臣軍總理營務布政使銜已革山西按察使陳  
湜膽智夙優兼有閱歷一切機要臣與密商均能體會  
臣已委其前赴金積堡會同劉錦棠黃鼎等妥爲籌策  
以冀萬全所有此次在事統將員弁兵勇血戰頻年艱  
險備臻忠勇彌著卒能掃穴擒渠銷除異患勞烈未可  
掩抑應俟大局底定再由臣秉公據實隨摺馳陳籲懇  
天恩破格獎敘以明激勸惟陳湜處分尙未開復茲派  
赴金積會同籌辦機要諸務責任匪輕該員到營以後  
已著戰功應請

首先開復原品例頂以肅觀瞻合併陳明伏乞

皇太后

皇上聖鑒訓示施行謹

奏同治九年十二月十一日

密陳馬化澂暫緩伏誅情形片

再關隴安危機括在金積金積克全局已在掌中現在  
首逆就擒勒其繳械平堡而官軍鎖圍如故臣且時時  
申儆嚴禁擾掠嚴防鬆懈者慮其因勝而驕功敗垂成  
也馬化澂稔惡三世謀逆已久蓄機甚深縱有後效不

敵前是暫若從寬必滋後患臣早知爲

國家必討之賊而此時議暫緩其誅者王家曠堡牆高  
厚存糧極多非猛攻所可驟得金積既克其勢已孤以  
馬化澂徇之宜可速下若先誅馬化澂回酋或懷疑懼  
必滯戎機王家曠一下通昌通貴自更無難料理至河  
州賊首馬占鰲早有就撫之意西甯賊首馬尕三自援  
金積敗歸後已畧識兵威無能爲患尙非所急耳大約  
金積堡城平毀後宜先圖王家曠王家曠撫定後馬化  
澂及其父子兄弟親屬夥黨重者誅夷輕者遷徙乃收

全功至馬化將所以公爲戎首者以新教惑衆斂錢以貿易經營致富又據金積堡膏腴之地侵占漢民產業富甲一方故蘊利生孽也臣現飭諸統領俟平毀堡城後凡馬化澀父子兄弟親屬財產均勒令悉數充公以之頒賞將士賑撫地方庶幾天理得人心順而

國法亦伸矣又聞該逆於北省各口開設店舖分布夥友領本營運藉以探聽衙門消息交結回民洋商九爲可駭臣自燕齊返旆而西張曜自豫入晉各省回商皆馳報陝回金積堡此其明徵臣擬俟諸務就緒後次第



奏明辦理惟事機秘密未可輕露端倪而局外不悉此間情形若不預爲陳明必且憑空揣摩徒滋議論此任事之難也謹據實密陳

伏乞

聖鑒訓示施行謹

奏  
同治九年十二月十一日

范銘部眾潰變辦理情形摺

奏爲總兵范銘部眾挑選成營後餘眾潰變現在辦理情形恭摺馳陳仰祈

聖鑒事竊總兵范銘所部多係河州狄道士著民人回  
亂以來流徙洮岷一帶歸總兵范銘統領甘肅所稱黑  
頭勇者也成軍之初既未釐定營制又未限以額數不  
但老弱羸雜其間婦女親屬亦隨同聚處一人充當勇  
丁一戶卽藉以坐食始而派捐繼而按索民間不勝其  
擾而該軍勇丁仍苦一飽無時臣入關之初聞其能戰  
而騷擾特甚竊計不過與粵東惠潮勇丁習氣相同初  
不料其似此之甚也上年冬間范銘赴臣營求餉臣面  
詢情形深用詫異夫餉以養兵賑以捄荒兩者本不相

涉今藉餉以養災民并災民以充兵勇何以收餉節兵  
精之效況甘餉艱絀已極兵勇宜減不宜增賑務不可  
爲常百姓宜歸隴畝萬無依傍營壘長爲乞丐之理當  
以此意諭知范銘令其速歸整頓挑選丁壯編成五百  
人一營約以數營爲度其餘則令安插墾荒由官給與  
賑糧籽種以規久遠時周開錫甫到臣營臣卽令向范  
銘詳爲開導酌給餉銀令其遵照辦理詎范銘爲所部  
惑惑遲疑不決周開錫自抵甘南范銘迄不將該軍確  
數告知本年五月范銘所部守備何建威始於該軍內

分出步隊五營馬隊一旗詣周開錫點驗周開錫立爲  
建字營隨同涼州鎮總兵傅先宗收復渭源狄道出力  
已隨摺請保何建威以遊擊補用以示優異冀范銘  
之有所觀感也旋據范銘稟知周開錫尙有正勇八營  
餘衆九營由岷州移紮南關坪每月按八營索取鹽菜  
按十七營支取口糧周開錫以狄道迤東一帶空虛令  
將餘衆分紮范銘遠不遵照分紮又因其浮冒口糧令  
造冊點驗亦並不遵照造冊點驗周開錫乃歷數其延  
誤違抗諸事責之范銘始親赴鞏昌周開錫行營謝罪

並請以餘眾三營赴渭源聽點後又以各營官不願分  
營爲詞迄不遵照該軍營務處都司王勇甚不義范銘  
所爲獨率七百人至渭源受約束周開錫點驗後仍令  
其赴南關坪盡將該軍所有餘眾調赴鞏昌立臨洮軍  
平西五營並檄范銘專帶該軍正勇八營以分其勢王  
勇至南關坪范銘不欲其餘眾隸之喊正勇各營與之  
列械私鬪王勇率餘眾二千餘還渭源後范銘竟裹其  
正勇八營走官堡秀石關潰走岷州旋據署岷州知州  
呂恕稟范銘到岷州後不知潛匿何處而其弟范銘及

匪黨尤芝政土匪案內漏網餘匪安桐貞常德釐王玉  
麟胡玉升等代領其衆復由岷州東出潰走焚掠村堡  
裏脅日衆周開錫令提督楊世俊張仲春率馬步各營  
討之十一月初五日楊世俊率隊由禮縣出石礪紅崖  
子遇潰卒於梁家寨奮威衝殺擒斬三四百名拔出被  
裹難民千餘追殺二十餘里奪回被陷民堡十餘所初  
六日乘勝躡追三十餘里沿途斬馘百餘名初八日楊  
世俊張仲春合隊追剿初九日及於白家關而周開錫  
續派親兵營亦至接仗獲勝擒斬二百餘名十一日追

至岷屬苟家園潰卒一面乞撫一面列隊扼紫官軍因  
奔馳累日未與交鋒十二日黎明潰卒分兩大枝馬步  
約六七千人踰嶺而來勢甚囂雜楊世俊等嚴陣待之  
俟其氣稍衰馬步猛出奮擊酣戰兩時陣斬計七八百  
潰卒大敗沿途追斬五六百名解散脅從數百名勇丁  
傷亡八十餘名據生擒潰卒俱稱范銘避匿土司楊元  
地境叛弁安炯貞已於初五日之戰殲傷左膝矣訖畢  
斬之潰卒敗竄岷州楊世俊等由禮縣拔營追之因糧  
運不繼停待數日十九日抵岷州逼城而壘潰卒固匿

不出二十一夜楊世俊張仲春等督隊攻城火器環施將士更番迭進前者顛墜而下後者猱騰而上斃賊雖多而攻守勢殊卒未得手宗岳營官管春林陣亡幫辦哨弁勇丁亡傷者約三百餘名楊世俊肩臂均帶石傷幸不甚重天明仍收隊回營時前臺灣鎮總兵劉明燈率所部一營及臣親兵四哨奉臣檄馳往會鄭甫抵禮縣周開錫聞楊世俊攻城未下傷亡頗多卽率駐紮之安營宗岳仁營八成隊會傅先宗之馬隊由漳縣取道石關出梅川赴岷并檄劉明燈由禮縣會師前進其敖



天印王得勝梅開泰等亦以從前太子寺之役范銘一軍首先潰退致掣大局此次該軍復敢違令潰走咸懷不平請先討之以靖內患周開錫以范銘所部如何建威王勇等十餘營自分撥成營後皆能殺賊立功是其軍將士未嘗不可用也范銘棄軍走匿其下潰變或非其意所及惟尤芝政安桐貞輩挾制范銘迫脅勇丁情罪兇悖法在不赦應剿撫兼施迅圖蕝事現尙未接其續報此南路官軍截剿潰卒四次獲勝一次攻城小挫現在辦理之實在情形也臣維隴事之壞在於從前餉

事艱絀異常募勇徵兵日增一日不能立營制定餉章  
惟倖目前無事是非之不明威令之不行也久矣故逆  
回而外土匪橫行潰軍迭起今欲轉弱爲強去冗雜而  
求精實開辦之始成效未著議論必多然臣不敢因此  
而有所撓惟當慎以圖之謹據實陳明伏乞

皇太后

皇上聖鑒訓示施行謹

奏

同治九年十二月十一日

丁賢發被回目馬添發等刺斃情形片

再記名提督丁賢發督帶宣威軍駐紮靈州屬之韋州堡紀律不嚴弁勇時多滋擾屢經丁賢發嚴檄申飭並以危詞儆之該提督所部本多江淮降人勇於戰鬪而習氣已深丁賢發恃勇而輕不加鈐束九月初間丁賢發帶隨身小隊赴預望城因催辦運糧默默與預望城回目馬添發爭辯盛詞詬責正紛呶間馬添發喉所管回眾與所部小隊搏鬪丁賢發拔刀而前斫傷數人觀者蜂起登將丁賢發刺斃而隨行之副將楊正華守備周炳南黃占標等亦以趨救丁賢發均受重創畢命先是南

城回曰馬柏森臣委帶旌善營馬隊駐預望城歸提督周紹濂統領當馬添發等與丁賢發鬪殺時馬柏森倉卒馳往彈壓事已無及而所部馬勇楊進海白有義楊進科楊春壯關漢英丁明有等又均馬添發親友及其舊管回民馬柏森無如之何旋帶其親信馬勇數名逸出馬添發既害丁賢發等欲勾馬柏森同變並戕其幕友典史黃元芳附生馬獻瑞以脅之而東山一帶零回多聞風響應臣據馬柏森及統領楚軍中路提督周紹濂統領奇營副四旗馬隊提督張會元等稟報前來

當經飭令周紹濂差弁赴預望城相機察辦檄令張會元暫行接統宣威軍並派副將李瑞林前往清點歸併爲之管帶又諭令馬柏森迅速設法縛馬添發楊進海等以獻維時東山各回有圖逼馬柏森以助逆者有假旌善營號衣以劫擾糧道者適陝回丁步月等由金積南竄亦思踞預望爲巢穴馬柏森所部馬勇馬彥龍等亦多被勾煽馬柏森潛告周紹濂預爲之備一面收集部衆計擒馬添發等解交周紹濂並斬羅山郭家窩匪黨數十名捕獲譚家堡逆目譚生邦及馬忠海死黨丁

發四馬三保等解周紹濂營及臣營訛實斬決將丁賢  
萬等屍骸禮殯送至韋州而兩月以來固原以北運道  
仍臻安謐矣臣維提督丁賢發因催辦馱騾過於苛急  
激成此變自可毋庸議卹至副將楊正華守備周炳南  
黃占標千總陳勝甲把總張世發李全忠劉學明典史  
黃元芳生員馬獻瑞等倉卒遇難情實可憫合無仰懇  
天恩飭部議給卹典以慰幽魂都司銜馬柏森帶勇駐  
紮預望城於丁賢發等之死救援不及而罪人旣獲正  
刑誅叛卒亦均就殲滅功過尙足相抵應免置議是否

如斯謹附片

具陳伏乞

聖鑒訓示謹

奏  
同治九年十二月十一日

軍機大臣 字寄同治九年十二月十八日奉

上諭左宗棠奏馬家灘等堡平燬陝回就撫馬化澂就擒范銘部眾潰變辦理情形丁賢發激變被害各摺片覽奏均悉昨據李鶴年等奏有馬化澂自縛投誠之說當諭左宗棠察度賊情不可爲該逆所給現在馬化澂

遞呈乞撫懇求出宥族衆僅以一人抵罪該大臣擬令馬化澂將本堡馬械呈繳牆垣平燬後接辦河西王家疇等堡撫局再辦河州西甯撫局軍情旦夕變遷朝廷亦不爲遙制惟馬化澂兇狡異常萬一收撫後又生反側竄入西路歸併河州賊黨逆燄復張彼時墮其術中不但追悔無及且恐大局愈難收拾左宗棠務當通盤籌畫持重以圖不可稍涉疏虞貽後日無窮之患其收撫之陳林等并著妥爲安插毋令再滋事端所有在事出力之員并兵勇著該大臣於事竣後奏請獎勵至陳



湜一員到營未久此次金積堡將士尙未請獎若將陳湜先行開復殊不足以昭公允著侯續有勞績再行保奏總兵范銘違令潰走其弟范銘及匪黨尤芝政等輒敢裹脅叛衆在岷州一帶焚掠雖經楊世俊等追斬多名而匪黨仍踞岷州著卽飭令周開錫等添派兵勇合力攻剿迅圖蕆事并著確查范銘避匿何處嚴拏懲辦其何建威等營仍當妥爲鈴束免滋他變提督丁賢發因催辦馱騾激變被戕罪犯馬添發等業經解營訊明正法駐紮預望城之馬柏森於丁賢發等之死雖救援

不急惟罪犯均就殲滅功過尙足相抵著免置議其倉卒遇難之副將楊正華守備周炳南黃占標千總陳騰甲把總張世發李全忠劉學明典史黃元芳生員馬獻瑞殊堪憫惻均著交部議卹金積堡馬械繳清堡寨平毀降衆如何安插該大臣應進紮何處次第掃蕩均著妥籌具奏南路各軍該大臣倚周開錫調度一切務飭持平妥辦勿任激生事端密片一件留中將此由六百里諭令知之欽此

魏紹珍等倡率開餉立予正法片

再據總統甘南諸軍道員周開錫稟據統領振威親兵馬步等軍涼州鎮總兵傅先宗咨稱該軍親兵右營於去冬周開錫委員點驗時卽噪索舊餉本年五月進規狄道右營營官已保總兵魏紹珍又倡率各營索取滿餉至八月間竟敢蠱惑各營圍逼傅先宗營盤肆行噪索傅先宗因該員勇丁多係降衆其中又多哥老會匪魏紹珍卽其渠魁若不嚴辦必成巨患遂寤請周開錫調該營赴鞏昌一面將開餉勇丁三十五名立斬以徇營官魏紹珍親兵哨長陶榮貴均押交鞏昌府收管稟

請核辦前來查甘南各軍臣於去歲飭周開錫點驗裁  
併後除照章月給鹽菜銀兩並籌給一月滿餉以示體  
恤本年五月端節擬籌發一月滿餉嗣因餉項奇絀僅  
發給蘭垣各軍而臣所部及甘南各軍均未能發乃該  
右營營官總兵魏紹珍親兵哨長花翎守備銜千總陶  
榮貴膽敢倡首滋鬧始索欠餉繼索滿餉並敢圍逼該  
統領營盤希圖挾制殊屬可惡臣比飭周開錫恭請  
王命將魏紹珍陶榮貴一併監提斬首軍前以肅軍令  
其右哨哨長張玉成雖訊無縱勇滋鬧情事於傳先宗

查辦之時潛縱滋事勇丁數名逃走追緝未獲應請  
旨將花翎儘先守備張玉成革職仍由臣飭傳先宗確  
查該革弁有無別項惡蹟另行核辦傳先宗雖濫用匪  
人充當營官咎有應得然於此事辦理周妥不致釀成  
異變尙屬能事應免置議再統帶安宇軍署甘肅蘭州  
道蔣凝學稟稱所部安軍哨長花翎儘先副將礪伯營  
都司袁維翰打仗尙稱奮勇本年二月蔣凝學查獲哥  
老會匪蕭念武研訊供出袁維翰係會中頭目當卽撤  
去哨長押候察辦詎袁維翰潛蓄異志糾眾謀殺蔣凝

學提託袁維翰公然直認不諱因其黨羽甚衆遲恐生  
變卽稟商前署督臣穆圖善將袁維翰斬首梟示軍情  
帖然相應請

旨飭部將碾伯營都司一缺揀員調補以免虛曠理合  
附片具陳伏乞

聖鑒施行謹

奏

同治九年十二月十一日

痛剿河州竄賊陣斬巨逆片

再前十月間金積陝回餘黨會合河州援賊竄擾甘南

時總統南路諸軍道員周開錫由鞏郡東赴伏羌就近調度預傳鞏西各營嚴防河逆乘虛竄擾旋調知河州逆回馬步二千餘果渡洮東竄周開錫飛飭各營禦之十八日都司王勇徐承霖等率所部平西各營遇賊六七百名於鞏西三河口地方接戰獲勝斬賊二三百名訛之生賊知此股逆目爲河州下十會之馬悟真是日提督王銘忠總兵敖天印副將張廷秀李文彪等各率所部護運大批糧料行抵狄東四十里鋪突遇騎賊百餘步賊千餘馳來王銘忠等分起一面護糧一面迎擊

惡戰一時斃賊數百賊竄狄城北濠通河州鎮總兵王  
得勝提督張明富梅開泰等率隊由南馳來傅先宗何  
建威率隊亦至各軍會合四面來攻賊遂大敗何建威  
手擒馬悟真斬之餘賊并無漏網奪獲軍械馬匹甚多  
通計我軍傷亡弁丁二百餘名所有鞏西各軍痛剿河  
州竄賊陣斬巨逆情形理合附陳伏乞

聖鑒謹

奏同治九年十二月十一日